



屏山集卷第十一



詩

弔史



禽殫繁弱奔兔盡韓盧身以英雄起乘時時祖力難  
 爭精魂閉尺穴壯骨飈一作飛塵淒涼千載下間  
 風凜如生羸秦失其鹿圖王各崢嶸斯人顧眄間  
 漢楚分重輕臣雖替末路君亦寒初盟豈不念疇  
 昔百戰同艱辛誰云漢網踈豪俊屢拂縈高蹈欣  
 繫鮮括囊聞飲醇

雙樹

倚倚映門樹團團若雙蓋微風薄層霄髮鬢鬪清  
籟迢迢步其下秀色吾所愛秋來霜葉紅飄落不  
相待

懷致中

寤覺殘夜永山寒氣逾清林幽萬籟息月出虛堂  
明披衣坐復起懷人思空盈經時不對面素榻浮  
埃生遙知念盍簪臨風亦閉情寒帟望歧路慨然  
欲宵征無人道守我先何因識門庭仰憑鴻雁飛書  
詞寫深誠詞多意莫宜盍遣幽恨并

棄竹夫人

愛憎情易遷感物思鬱紆念昔未棄捐當時君子  
居煩襟一披豁雅抱何清虛蹉跎怨時暮涼德竟  
見踈飛霜皓中庭枵然委牆隅的皜珠帟深焚煌  
錦茵鋪豈不懷舊恩君心已非初當年紈扇謹抱  
恨同區區

江山突星石士特欲易為獨醒有詩因次其  
韻

群石翠參錯茲峰峙雲林突星名固夸流傳經古  
今幽姿儼向背異態生晴陰怒若抽翠筍端如立  
瑤簑不有融結竒寧知化工深翁郎立壑入籃輿

越秋岑崎嶇喪亂間逢幽亦登臨把酒視雲漢浩  
歌散愁襟著鞭雖後余歸蹤畧相尋獨醒訂訛謬  
懷人識君心政恐五字詩光芒射奎參玩味不可  
忘寫之朱絲琴

秋懷

哲人嘆逝川志士悲稟秋流光不暫停忽忽歲欲  
周涼颼襲迥野飛霜皓盈疇華林失鮮輝奔谿殺  
湍流萬化儻日徂吾生難獨留而我苦不樂彷徨  
復何求世途多軌轍今行非昔謀徒遵耿耿意齟  
齬固莫投時乎不再來豈余敢懷尤王道炳日星

歷聘疲軻立歸歟既改旆浩然亦回輶寂寞窳子  
歌棲遲長鄉遊客嘲徒自解天問終不酬長揖未  
免烹說難竟遭囚行藏或大謬聖賢其悠悠含思  
疚憤積念往川途脩煌煌青春姿蹉跎恐茲由諒  
非宏達觀那能齊百憂

四不忍

草邊飛騎如煙滅泣獸摧斑食其血此時疾首念  
鑿與玉體能勝飢渴無危城胥麴駭雲擾簞篋無  
光天座杳奮戈儻未雪深讎我食雖甘何忍飽  
黃河鑿鑿水成路人語寒空氣成霧此時泣血念

鑿與玉體能勝凜冽無蒼黃天步蒙塵去盡哀飄  
零傷歲暮飛書倘未伐姦謀我服雖華何忍御  
平沙月轉旌旗影擐甲為衾戈作枕此時飲恨念  
鑿與玉軀能勝暴露無問安使者空相繼清蹕不  
回宮殿閉請纓儻未縛酋渠我榻雖安何忍寐  
漁陽鼙鼓風沙戰潑水淋漓舞胡旋此時太息念  
鑿與玉軀能勝寂寞無六宮遭亂多奔迸不復梨  
園歌舞盛著鞭儻未蹂龍庭我瑟雖調何忍聽

雲際贈施子

驚沙慘淡連雲起戍鼓悲歌行復止春城是處聞  
鼓鼙好風依舊開桃李對花惆悵忽逢君把酒無  
懼如啜水六年喪亂兩相見世路艱難嗟若此江  
邊盜賊真遊魂挾虜聲援圖并吞金陵失守數騎  
入會稽移蹕千官奔只今州縣多阻絕消息時聽  
行路說百川背海欲四流八柱撐天愁更折符堅  
陳亂丘山摧夜聞鶴唳猶驚猜莫輕赤壁一炬火  
曹瞞氣焰隨飛灰功名邂逅有快意豈在今日無  
人哉天方稔禍祕豪傑故遣君輩多沈埋亦知興  
衰運有極天時一半因人力男兒遇事不作難看  
君赤手排荆棘

望京謠

雙鑿北狩淹歸轂寂寞梁園春草綠猶傳故老守  
孤城官軍不到黃河曲連雲樓櫓已灰燼更倚窓  
扉防箭鏃招兵大半出群盜繡極蒙水屢翻覆前  
宗後社力誅鉏白刃如霜挂人肉州橋燈火夜無  
光夾道狐狸晝相逐往時汴泗絕行舟市糶十千  
塵滿斛衣冠避胡多在南胡馬卻食江南粟謀臣  
武士力俱因海角飄搖轉黃屋盤庚五遷方擇利  
昆陽一戰何當卜寧聞天豕亂中華漢祚承天終  
必復夕烽明處望千門孤臣祇欲吞聲哭

詩寄嬾翁蕪簡士特温其原仲致仲昆季

嬾翁疎散無與儔結庵名嬾山之幽蕭然杖屨巖  
壑裏似是當年嵇阮流云何出處戾初志束書負  
劔俄西游悲猿攀車鶴卧轍去意勇決誰能留菴  
垂鐵鎖人跡斷破窓鳴紙風颼颼曳裾我昔翁門  
客豈知繼踵居翁室里閭應記往還頻猿鶴乍驚  
賓主易尔來庭戶已更創尚榜翁名志陳迹傍菴  
小樹昔親栽鑿沼今遷在蒼苔比我山亭闕舊牆東  
此景新成翁未識遙知捧檄遵歸途摘山官况今  
何如書來頗厭作吏冗俸祿僅可供妻孥趨庭日

一見官長腳靴手板常睚盱簿書有程那得嬾卻  
視故隱真遽廬寄聲頓慰吾人望往時交友皆無  
恙鵝峯諸劉更互來清湖居士時相訪中郎司戶  
又繼歸酒社文盟氣增壯我慚淺拙難強陪每憶  
翁才真輩行拂衣早赴竹林期莫遣移文重前謗

遊龍潭

四客同笑言一僧陪杖履徜徉山水窟適意忘晨  
鐘巖北寺細竹溪南路中流石參錯不礙潺湲  
泓澄小龍潭潤氣金碧聚時驚木葉墜俯見  
新造非預期偶介造佳處幻與丘壑情陶  
令琴觴遂淹留慰所願惟以賓友故夕陽淡寒山  
遲回不能去

田家

長空淡淡如雲掃暮過田家風物好耕犁倚戶寂  
無人飢牛卧齧牆根草

沙頭

沙頭鷗鷺寒相傍老樹槃跚枝拂浪前村急雨漲  
灘流日暮漁舟撐不上

臨池歌

劉致思倦游復卧故廬有意學書來求石刻因慨

然念昔經行秦洛趙魏間未嘗不四騶駐軫搜訪  
古迹故宮遺址豐碑斷碣歷歷相望也吹埃剔蘚  
考年代之所志訂古驗今識興衰之所自至乃壞  
壠荒榛微陽霧雨雖暴露沾沐僮僕色難而余躊  
躇不忍去也竒蹤偉筆多致墨本甚者缺裂模糊  
不可辨了亦皆摸脫以歸登登之聲殷乎山谷  
歸所獲車載牛負不可勝計喪亂以來汎掃焚  
何止七厄哉今披篋視之十得一二有副本者  
以與致思致思明爽嘗留心字學運筆流快風  
草偃固足以軒輕流輩然未能窺人藩域者功

虧一篲耳夫洞石什木非蹶張挽強者所能用志  
不分乃凝於神梓慶削鏹疴癘承蜩皆此道也致  
思充是而學焉余不知其所至矣因作臨池歌以  
堅其志切切悃悃亦明友之義也

君不見鐘繇學書夜不眠以指畫字衣皆穿當時  
尺牘來鄴下錦標玉軸爭流傳又不見魯公得法  
屋漏雨意象咄咄凌千古斷碑零落翠苔封直氣  
英風猶可觀元常獨步黃初際清臣後出今無繼  
風神迥處一作本天資巧力亦自精勤至羨君好  
尚何高竒寒窓弄筆手生胝向來失計墮塵網銳

氣直欲摩雲飛男兒舌在心何忤卻擬臨池尋舊  
學要須筆外見鍾顏會自蛟龍生掌握銀鈎石刻  
余何愛勸以短歌君勿怠他時八體妙有餘此歌  
儻可君紳書

胡兒莫窺江

胡兒莫窺江長江限絕吳楚間驚濤駭浪如連山  
鯨鯢出沒含戈鋌汝不顧死爭相先鳴鼙不響突  
騎開浮屍隨潮去復還胡兒莫窺江樓船百尺高  
崔嵬鼓柁叱咤生風雷吳儂入水雙眸開汝不素  
習胡為來生雖欲殺死可哀南北孰非吾民戎胡

莫窺江前年飛矢入未央日月雙墜天無光去  
年一炬燒維揚丹鳳徙穴仍南翔國勢如衡有低  
昂大戎豈得稱天王暴興恃暴必亟亡乘蛇古讖  
開其祥中興將士材無雙撫劔氣已馳龍荒胡兒  
胡兒莫猖狂

和李巽伯春懷

山寒古寺清斷續春朝雨遙憐遠客情寂寞誰  
晤語平生氣軒昂失意今易與有酒即佳晨無兵  
皆樂土微吟對節物林靜幽花吐悠悠念鄉邑耿  
耿悲豺虎知有濟時才從橫在談塵功名恐未遲

老駟期更舉

明皇九馬圖

書生兀兀園不窺見馬豈辨騮與騅開圖九駿立  
突兀摸捺知是真龍兒奔雷蹴踏原野動曳練慘  
錯風沙隨華纓金絡豈不好矯首奮迅那容羈吾  
聞取驪如擗士競愛安帖驚權竒士懷倜儻衆論  
斥馬有顛顛群駑欺六閑秦養固恩厚橫氣摧折  
常鳴悲丹青儻不逢妙手萬世豈識真龍姿因思  
中原政格鬪鐵騎倏忽銀山移著鞭安得致此物  
掩畫四顧徒歎歎

怨女曲

空原悲風吹首着朔兒飲馬桑乾曲誰家女子在  
檀城嗚嗚夜看星河哭黃金為閨玉為宇平生不  
出人稀覩父憐母惜呼小名擇對華門未輕許干  
戈漂蕩身如寄綠鬢負朱顏反為累朝從獵騎草邊  
蒼暮逐戎王沙上醉西鄰小姑亦被虜貧賤思家  
心更苦隨身只有嫁時衣生死同為泉下土出門  
有路歸無期不歸長愁歸亦悲女身軟弱難自主  
壯士從姑不如女

防江行 五首

朝來殺氣秋千里無立草翩翩黑幟飛結壘天長  
道獵罷楚天寒黃雲淡如掃

漢家飛將雄夜戰蕪城北覆刀斫盡利月暗穿圍  
出低頭拔胡箭卻向胡軍射

寒烽隔水明虜意猶叵測君王自臨戎萬騎隨清  
蹕士氣薄層霄挽槍夜無色

江邊五色旗分摠期門士驚砂雜雪飛日暮孤城  
閉寂寥良將風誰識投醪意

樓船動滄江江晴鼓聲發男兒取封侯赴敵如飢  
渴腰懸字董頭長歌獻金闕

和安汝功採紫竹杖篇

赤籐表珍竒桃行寄吟詠高情在丘壑微物懷深  
睠徵工匠遠林彌山選一幹雲振傍崖蹙足堪色涵  
霜變匪憑精刃揮根抵難立斷慙慙為摩撫燁燁  
光浮爛觸石聲含鍾揮波影搖電矧余疲曳姿假  
力斯過半皇皇駟馬威秦趙昔臨按胡為步縈跚  
猥逐漁樵伴千金一顧重朽質增華煥不經提携  
未弃擲亦何筭夙懷用捨情感茲發長歎

贈宗周賓

我車南君車北相逢總是天涯客擁爐談笑一燈

殘出門風雨千山隔

潛淡灘

南來甌粵無平陸林巒起翠波騰綠扶輿政恐犯  
霜露買舟儻可休僮僕清灘白晝雷霆作亂石驚  
湍犬牙錯平生珍重千金軀舟子一篙那可託飄  
搖葉漾勢轉急金竈傾頽不能立眼看白浪散銀  
山蛟螭百怪堂堂出人皆乘險欲趨刊我不安行  
悔可及吁嗟世路風波猛巧弄危機暗騁江湖  
泐舟猶自戒勢利溺人終莫省矯情鎮物未足言  
書此聊為後來警

巡寨偶書

窮寇轉趨海五邦備宜先連年戍役頻徵兵及漁  
佃扶戈或推齒嬰胃仍華顛未知戎伍肅朱旗亂  
長阡林端晚燧發石際飛梯懸崎嶇樵牧地萬竈  
生浮烟我行視營柵兇戲端可憐倚茲形勢險寇  
至常遷延群兇昔吾軍赤指抨鳴弦防胡屢瓦解  
合寇俄星連猶多燕趙兇意氣非當年駢車載珍  
寶結騎馳嬋娟時危天稔亂事豈汝能專怒風飛  
驚濤河梁失歸船四顧天地黑攬衣思茫然

次韻蔡學士梅詩

梅稍破白香清切清雨含春不成雪瑤池髮鬢萬  
妃遊縞素練帔何鮮潔凌晨燦爛忽驚馬眼客中又  
過嘉平月年年見梅非昔地海角尋芳更愁絕多  
情欲伴曉雲飛有恨只教啼鳥說兵厨况是酒如  
澆東閣喜聽談吐屑飄零使我懽意盡山城暮角  
聲嗚咽庭邊一樹春最晚照影遙憐水方折暫忙  
不到今幾時南北枝頭開又歇新辭婉媚發春研  
未害廣平心似鐵

禱雨蟹泉

厭旱訟風伯苦雨誅雲師天公良獨難念民多怨

啓夏潦包原隰苗端漲清漪冬暄但流塵土堅不  
銜犁陰陽有乘除此理固可推惟神執天權憫物  
思濟之穴泉類蹄 幽靈隱其涯髮髻小雙螯控  
御蛟龍隨名居列曜尊箕畢可指搗顧匪郭索倫  
掌辱左手持滂沱為一縱豈惟潤東菑灑灑燠氣  
清浮浮瘴烟披將聞鼓腹謔寧求折肱醫寸澤垂  
二惠此功神所尸遙知青青麥春風滿陵陂吾儕  
飽湯餅敢後椒漿期

負暄

宵寒卧增稠晝寒起增衣何如負暄樂高堂日暉

暉引光靡盡闕追影榻屢移妙趣久乃酣瞑目潛  
自知初如擁紅爐凍粟消頑飢漸如飲醇醪暖力  
中融怡欠伸百骸舒爬搔隨意為稍回驕佚氣頗  
改酸寒姿薰然冰慈仁天恩豈余私願披橫空雲  
四海同熙熙矯首望扶桑傾心效園葵

子魚

舊聞通印名海錯珍莫踰火氣爍鱗鬣鹵香泛庖  
厨泥泥子盈胞鮮爇禍所區生如粒芥微多若囊  
粟儲他年想吞舟勿輕此銜銖一咀命千百雖甘  
汝安無窮冬孚乳時羣毘海為虛含凍體猶僵得

鴻味已渝虐戲等剗乃孛淫刑幾戮孛人深襁褓恩  
在物愛豈殊閩風易殺子盪水沈其軀詎有惻怛  
心旁推及豚魚相殘人獸均自殘獸不如哦詩化  
蠻獠因警號食殄食徒

郡圃觀酴醿

憶昔尋春西洛橋酴醿結洞橫朱架翠帷銀網一  
畚新百萬花頭相枕籍飄搖羽客靜疑仙窈窕素  
娥嬌欲嫁細莖摘貯絳紗囊撲鼻清香奪蘭麝論  
花每恨流品雜韻絕江梅此其亞紛紛紅紫已空  
條耿耿冰霜猶照夜只今漂泊一身存海角逢春

足悲咤銀苞翠蔓宛如昨瘦骨蒼顏忽敬馬乍當時  
我最推少年想見同遊更衰謝洛陽園苑狐兔生  
虜騎時來北邙下浮生榮悴均有老萬古興衰那  
足訝南鄰地主好襟懷官事稍閑須命駕急須喚  
酒賞餘妍惡雨狂風不相借

木犀古風

化工吝幽香斑斑被花木氤氳寒巖桂高韻蓋群  
馥無人盡日芳守志何幽獨士介恥求知女貞慙  
自鴛鴦淒涼楚山秋樛枝吐金粟淺水映輕明微颺  
發含蕊田樓端靜忽聞馬上遙相逐踟躕為延佇但

見林巒綠餅嬰誰折贈清芬闕廬屋久處不自知  
乍至彌鬱郁客悲芳歲暮夢遶寒溪曲長吟小山  
詞古意恐難復

食蠟房

蠟房生海壖堅頑宛如石其中儲可欲雖固必生  
隙嵌崑各包藏硯礪相附積終逢霹靂手妙若啓  
扃鏽鑽灼諒難堪曷不吐餘瀝南庖富腥盤豈惟  
此稱特吞航大絕倫梯巒萬夫食針鱗九牛毛小  
嚼逾十百光螺暈紫斑節蠟膏湛金色水母脆鳴牙  
章舉懸疣密烏黏力排鼻貼石不可索妾魚戲浮



開元日涪州距雜巴云遠况此奔馳來海側繡衣  
中使動輜車黃紙封林遍阡陌浮航走轍空四郡  
妙品人間無復得似聞供御只織毫往往盡入公  
侯宅驪山廢苑狐兔靜良嶽新宮鼙鼓急一作繁  
華今古共淒涼遶樹行吟悲野客西風刮地戰塵  
昏一聽胡笳雙淚滴

屏山集卷十一終

屏山集卷第十二

詩

法石見李漢老叅政

我識今朝李翰林十年隔絕飛寸心素書每逢雙  
鯉得雲路欲倚長梯尋翰林昔叅建炎政想見中  
興人物盛方圓齟齬不足論角巾雅有江湖興玉  
堂草詔褫凶鬼丹陛陳謨發天聽介圭便合趣公  
還只今密物才稀並自憐隨牒東南奔假道因得  
登龍門怪余髯面益老矣一咲問勞情彌敦僧坊  
蕭蕭遠闐闐豈料飄零獲清對牛行尚憶王相宅

公舊居京成牛行 曩日交遊幾人在濁酒青燈夢  
巷名行胡剛切  
寐間九州四海煙塵內區區王事今有程暫見復  
別難為情長亭喚馬一悽斷壁月曉墮桐花城

歸田

聲色家有弄軒裳仕之囚冥行不知迷今將返吾  
輒愛慕洗餘習清虛樂孤遊亭亭隱仙巖迎人入  
雙眸稍色黃莽莽溪光碧油油佳樹殘照滿高穹  
亂雲流乍參樵牧群辭氣不婉柔性有書史癖時  
逢甲兵休斯懷黨遂全曩志不必酌

省拱辰山

林狼已煙銷言歸省先塋豈無消息至怵惕意自  
驚焉兵戈道孔由不折寸草徑神物陰有護兇威肅  
其獍敬瞻壠闕雲墮淚眶睫盈如承慈稊顏如聞  
聲言啖聲道餘孤風存澤本遺愛成昔我罹禍苦結  
廬傍佳城哀慕寧有極忽忽時序更慚愧舊巢鳥  
常遶松栢鳴

士特贈筆

書成癡傳成癖平生識字真無益筆扛鼎思涌泉  
何如蹶張強弩絃管城雅賦情雖重感此難難拙  
於用君不見翠華南渡江江路八百里胡兒飲馬

鏡湖邊不逢漢兵胡自止只今城闕多旌旗報國  
擬將雕面見長星吐華南掃北轉禍為福須乘時  
虎頭心事不能已勸君勿弄毛錐子

論俗十二首

故園喪餘歸來復何有鄰人雖喜在憂悴成老  
叟為言寇來時白刃穿田畝驚忙不知路夜踏人  
屍走屋廬成飛烟囊橐無暇取匹夫仇恩讎王法  
誰為守艱難歷歲夏遷徙徧林藪深虞羅寇知兇  
啼扼其口樹皮為衣裳樹根作糧糗還家生理盡  
黑瘦面如狗語翁翁勿悲禍福較長久東家紅巾  
郎長大好身首荒荒戰場頭白骨先朽

西村人慚歸櫟柱燒殘屋東村但蒿萊死者無人  
哭昔茲號富穰被禍尤殘酷二三里中豪喪亂身  
為僂遺骸悵危掩飢為啄其腹豈無平生時意氣  
凌鄉曲錐刀剝微利舞知欺悻獨錦囊收地券奕  
葉相傳續只今鄰叟耕歲歲輸官穀尔曹何顛愚  
人生固多欲

何州無戰爭閩粵禍未銷或言殺子因厲氣由此  
招蠻陬地嗜狹世業患不饒生女奩分此貧生男野  
分苗往往衣冠門繼嗣無雙鬢前知飲啄定妄以

人力僥三綱既自絕餘澤豈更遙王化久陶漉刑  
章亦昭昭那無舐犢慈恩勤愧鷓鴣冤報且勿論  
茲義古所標

愚氓擾潢池難難亦常態簪紳有包藏事異吁可  
怪豺聲久伺亂鯨戮終何悔游言張兇焰巧謀移  
機會初如卵殼微趾踐悉糜碎養成羽翮雄飛擊  
鞬繩外翦鉏淹歲月螫毒彌疆界向來詰端由罪  
白不容蓋南冠囚載路東市誅其最隆寬俗與新  
僥倖汝勿再

野人厭羨藜家有庖丁力徒誇批導手肯念耕稼  
勞隱然肉山雄畏彼尺蠶操春泥卧寒野夜月犁  
東臯辛勤力已盡齎齎禍豈逃誰無惻隱心鮮能  
勝貪饕食蓋惟猶示恩况異犬馬曹

扇馬嚴內仗貂璫侍宸閣哀哉里閭間刀闌逮雞  
豚放麀識忠蓋毋殍著格言矧利肥甘軀絕其孳  
息源難銷愛欲心物物天性存逆情氣必戾順化  
生乃蕃誰開口腹謀無乃傷仁恩

粵人多悍驕風聲亦惟舊兒童僅勝衣挾蠶相格  
鬪藝精氣益橫質化心忘陋家饒喜稱俠世亂甘  
為寇豈伊天性然習俗所成就吾聞互鄉童翱翔

聖賢園隱豹舐爛斑攻駒發馳驟佩觿尔何知義  
方得無謬

村南井欲乾曉汲盈瓢濁飲濁不足言柰此田畝  
涸咿啞龍骨響煥爛陽烏虐良農無他營辛苦事  
東作春苗何惹芊秋刈何稀薄我雖食有餘念彼  
心不樂乞靈走群祀晚電明霍霍屯膏竟未施天  
意自難度

震雷霹枯松頑龍失其據浮雲三日雨盈畝復他  
注商羊舞未休旱魃消何處稍寬人心切仰荷天  
恩布稻畦裊連顛按穗給朝飫菜畦擢新萌蕩滌

死併蠱歲儉民死苦時豐家悅豫青青寒蓼色亦  
復貪雨露

茲鄉山水佳昔乃為盜窟吾廬已煨燼荒草牆兀  
兀牆東大梨樹惟此為舊物火燒枝葉盡老本更  
奇崛衆鳥罷高栖空庭失清樾鄰兒利薪爨往往  
肆戕伐豈知昂霄勢長美食自毫末寒堤孤碓在廢  
圃鳴泉出衡茅且經營霜霰散莫倉猝

未須葺五口廬且復修五口倉求安當卜居求飽當聚  
糧營生力有限先此計頗長去年稻盈畦避寇不  
得將新芽雨後白卧穗霜中黃鰓悖有飢色寇釁

餘稻糧解衣易升斗糠粃隨風揚休嗟昔艱難喜  
茲歲豐穰鄰翁為人耕貯粟不盈箱溪頭廩與困  
壘壘已相望

縣牆挂德音盡弛今年租旄倪發權謠助達和氣  
舒皇恩施甚厚疲瘵望少蘇吁嗟吏舞文詔紙墨  
未渝借貸盡白著勾稽窮宿逋培克儻歸公民貧  
猶樂輸量權徵倍耗資緣竊其餘寧逢盜剽攘厭  
聞吏追呼盜姦又必戢吏姦無由鉏雷霆不言威  
肉食忍自誣故態勿扭日窮閭勿侵漁勿謂天聽  
高勿謂黔首愚

### 清江行

漁翁一棹老清波稚子學語能漁歌日暮沙頭寒  
藝竹雨餘船角亂堆蓑鷓鴣殘小鮮仍自鱸湖海茫  
茫醉鄉內夜闌酒渴漱寒流月照蘆花上蓬背

### 聽詹温之彈琴歌

鳴琴藝精非小道可惜温之今已老玲琅一鼓萬  
象春鐵面霜髯不枯槁自言寡知音求我為作歌  
號宮韻角可聽不可狀錦腸繡舌空吟哦吾意其  
一氣之濁清兩曜之晦明山河之結融雷霆風雨  
之震驚包羅具七弦開闔造化由人心又疑夫堯

禹之躬行丘軻之立言瞿聃之同歸百家諸子之  
紛然更歷千萬古此意不滅絲桐聞滌除浮慮清  
蕩摩利心襟開琴之氣象廣莫有如此欲媚俗耳知  
難哉寒缸燒酒夜向闌罷琴歸矣我欲眠夢跨冰  
輪出瑤海一咲碌碌瀛洲僊

鵝峯居士以地黃遺病翁因為作引

君不見咸陽之原涇渭之間靈苗叢生綠芊錦春  
風莽莽膠晴煙天馬嚼齧黃金涎渴噴清浪香浮  
川年深駿足宵騰邁目有神光破昏昧方經誇異  
儻不誣伊人服之功必倍君家種藥南山隅紫花

褐實連庭除長鏡斲動雲壤婉婉盡拔生龍鬚  
飲之清醪觀其德宛如君子彌溫克浮沈詎卹世  
論量蒸曝益見中腴澤我年三十號病翁空齋藥  
杵聲籠冬未能醫國慚君賜舊書且讀蠅頭字

萊孫歌

屯田詞考功詩白水之白鍾此奇鈎章棘句凌萬  
象逸興高情俱一時耆鄉骨朽士特死澗谷錯莫  
無晶輝後生俊秀何其寡吾宗喜有萊孫者雙瞳  
點漆面如水一見使我心神寫讀書已通經學賦  
已知律只今年十三吐氣成五色驪珠出海夜生

光突竒流弦追莫及人材有價誰能私不妨乃翁  
聊譽兒囊中彩筆今付汝往繼二妙聲名馳

夢仙謠并引

劉致明夢與七客游仙胡原仲與焉其事甚異致  
明清脩純實非夸誕人也因為作謠以記之他時  
二人凌太虛誦此謠當懷所謂病翁者耶

鷺鳥子峰前波色清劉郎看山無俗情癯儒自昔有  
仙骨夜夢體飛如葉輕雲中不識朝天路雙童導  
我凌空去側身度巖隈盤盤復回回翛然意往形  
不礙石窟蘇竇俄天開乘槎夜泛牛女渡鞭鸞曉

入金銀臺花深不逢人時聞佩環聲仙翁睡起方  
結襪見客坦易無崖垠擊蒙龔垂矜叩妙獲一言  
七情汨心心憤昏窒慾如水澄其源曰中呔咀藥  
手撮仍見分旁有泠泠泉三漱乃盡吞駐紅却白  
非難事貪生慮死真愚計當時同遊七姓俱但記  
古月成胡字塵緣未斷不得留海風吹過蓬瀛洲  
覺來牖戶真曛曉玉鏡晶晶墮松杪

雲際會劉致中

紅綉千樹飛雪殺萬株李栢葉青青如鼠耳橫山  
渡口浪成堆認得劉郎船子來物情時事不須說

且喜新歲同街杯少年鼻哂輕流俗欽銳收豪今  
碌碌敝裘常帶客塵緇雙鬢實不如春草綠東風吹  
愁入我心使我嘯嘆成悲吟問君底事久留此曷  
不懸鑣歸故林

懷舊歌

黃茅生煙暗村落浩歌無復當時樂鄰家酒熟送  
鼻香一醉乾坤墮冥漠尋芳屢過垂玉軒叉魚夜  
上浮清閣聞牌擊鼓多伎倆我獨旁觀惟大噉敬  
馬烽入座懽難保幸得身存他勿道吾宗潛武卧空  
棺衮臣兄弟埋荒草當時醉舞向花下綠鬢朱顏  
各鮮好隙駒風燭尚須更數子凋零不待老死生  
細事從渠天莫學兒女相哀憐一窻容膝可終隱  
寇盜擾擾今連年王師誅鉏有漏網死灰焰焰猶  
思然憂煎過計祇自惱且但努力耕吾田

夜過王勉仲家宿酒數行為作此歌

遙林帶雪迷村曠伶僂一馬行無伴故人家住丁  
坂頭停驂邈迤成清款犯寒知我猶空腹地爐然  
薪架紅玉花瓷湯酒欲生香竹外庖厨聞剝肉夫  
君不有中饋賢咄嗟辨此何神速酒酣意氣悲荆  
棘尚憶朱甍舊時宅豺狼得志竟何成至今人骨

如霜白亂離少有闔門在漂蕩俄驚五年隔數畝  
荒田已失耕一間茅屋仍留客客情主意懽難盡  
短臘窮冬春欲近明朝分手更愁人且覆清觴莫  
留賸

夏日吟

君不見長安公侯家六月不知暑扇車起長風冰  
檻灑寒雨重欄邃屋晝生陰反易天時在談吐又  
不見五陵富豪兒炎天多快意雪穀曳輕明珍饈  
嚼甘脆蛾眉皓齒發清歌灑酒筠枝集蠅蚋何如  
野客歌滄浪萬事不理心清涼流金鑠石未為苦

勢利如火焚中腸

萊孫求墨并以詩與之

何年老烏龍排山折其角漁人網得之澄淵起雷  
電異物世常猜精神光夜潛覺流傳歲月深質槁紋  
斑剝漆簡射晶熒玄圭靡雕琢孰謂喬松煙能成  
此堅確晴窓試墨池雲霧生掌握只恐化蜿蜒飛  
騰入冥邈萊孫真可見句法有家學贈汝囊中珍  
慚余鼻端斲

劉致中惠瓜

炎燭氣如焚塊坐惟兀兀劉侯惠甘瓜胞次瀉溟

渤豐豆腐素浪浮翠理霜刀刺因思少年時窺園步  
清樾百金酬地主熟帶香可揭鄙懷湏一快聊効  
野人斲種瓜雖賤工愛護渠敢忽薶芸治其煩灌  
漑滋其竭自然子母繁翠蔓相連結種瓜誠有道  
養民豈無術噫余夙昔知此意未及物

白水見梅憶士特

去年看梅時中郎共開樽今年看梅時獨招中郎  
魂悲歡聚散誰作惱擬欲問春春不言

送謝中瑩

相別夢悠悠相逢懽草草送君躍馬臨長道十年

顛顛向塵埃一段精神摧不老

與純臣原仲溫其煮魚羹

衆賓會高堂嘉魚脫重淵霜鰓尚呀呷綠藻仍牽  
連厨人起揼袖刀机鳴鏗然斷尾頰殼碎批鱗玉  
花翻雲雷翳深金清香已遙傳投葱裂素絲裁薑  
落金錢陶甌舉筠箸更覺真味全細紋松江鱸縮  
頸槎頭鱸吾儕但知飽美惡無棄捐何論調羹手  
聊復試小鮮

餘柑

炎方橄欖佳餘柑豈苗裔風姿雖小殊氣韻乃酷

似驛顏澁吻餘髮鬚清甘至侯門收寸長粉骨成  
珍劑猶聞雜蜜草少轉森嚴味竒才用不專雖用  
何殊棄端如效苦言逆耳多嫌忌棄果事何傷違  
言德之累悅口易逢知感茲發長喟

打魚歌

西溪觀魚仍開樽鳴榔隱隱沈煙村吾人豈有竭  
澤意瀕洞四際魚龍奔驚潛初見穿亂藻亟遁轉  
覺迷深源向非驅迫群黨聚罩麗徒使波濤渾巨  
鱗足供數客飽銀刀瑣碎不足論吁嗟神物未變  
化暴骨砧机寧非冤江湖萬里厭游泳失地斗水

能為恩臨流解網忘息亦厚誘以芳餌仍爭吞因悲  
搖尾向數罟豈異俯首縻華軒慨然投箸起太息  
歸思已逐冥鴻騫

潭溪十詠

悠然堂

五簷猶未完作意創此堂悠然見南山高風邈相  
望至賓至聊共娛無賓自徜徉

海棠洲

煌煌海棠洲錦樹臨清灣常恨灣頭風吹花走潺  
湲潺湲去不息花亦無由還

醒心泉

藤蘿撥不開石竇一鏡明攜瓢酌清甘  
參然營心神我病不能酌時來聽泠泠

懷新亭

茅簷入竹低曠野時寓目寂寂農家春  
新秧滿田綠何時稻登場秋山響蓬樸

宴坐巖

青青橈樹林下蔭蒼蘚石幽人宴坐時  
懷抱忘其適不見暮樵歸寒山雨中碧

山館

春林遮舍青門館終日靜吾心樂有餘  
所寓比日勝境更鑿庭下池溶溶浸山影

涼陰軒

北窓何所見疎竹雜遙岑涼颺思有無  
虛簷動蕭森此興何由盡移床入翠陰

橘林

木奴困新移憔悴雪霜侵呼童翦其顛  
割愛慮已深會待春氣回青枝補故林

蓮池

蓮池一畝餘瀾瀾吞衆流花繁不近堤  
欲往無方

舟不及池中魚隨波自沈浮

南溪

聊為溪上遊一步一回顧悠悠出山水浩浩無停  
注惟有舊溪聲萬萬流不去

兼道攜古墨來三面龍紋墨背識云保大九年奉勅造長春殿供御龍印香煤旁又識云墨務官臣庭邽監官臣夷中臣子和臣卞等進蓋江南李氏物也感之為作此詩長春殿古生荆養猶有前朝遺物在錦囊珍重出玄圭雙虬刻作蜿蜒態枯皮剝製美幾剝斷玦精

堅磨不殺吾聞李氏據江左文采風流高一代當  
時好玩不獨此器用往往窮奢汰微工選技填御  
府不惜千金為賞賚治兵唐推英衛精治民漢許  
龔黃最惜哉取士不知術妙手獨得庭邽輩真主  
驅馳八極中荒王逸樂孤城內汗青得失更誰論  
尤物競為人寶愛嗟余視此真糞土事有至微猶  
足戒投文欲徃弔江流幽魂未泯應慚悔

入開善

雙童肩竹輿兀兀如乘舟及茲朝暑微遠訪招提  
幽蒼山望中橫清泉脚底流所歷已殊勝况乃窮

林丘僧房在在涼逢迎足茶甌岸幘幽鳥鳴橫琴  
素煙浮倦借一榻眠吾生復何求薰風溪上來虛  
簷散颼颼開懷若傾倒忽去不可留人間苦炎熱  
物外常清秋功名非所期聊尋赤松遊

寄茶與二劉

然松煮鼎山泉冽槍旗一水分優劣鳳餅推開雪  
照人花瓷啜罷甘潮舌大劉談天紫髯張小劉逃  
禪清興長會須酌此同翱翔或凌剛風九天上或  
泛弱水三山傍

劉兼道獵

劉侯好獵親馳逐指呼雙犬如奴僕朝衝唐石亂  
雲來暮聽潭溪流水宿何如著鞭走大梁我亦與  
子同翱翔今年獵叛醢彭越明年獵胡羝德光

Blank manuscript page with vertical lines.



